



Kamis, 23 November 2023

Ogen : 1 Samuel 24:1-13



**Kalak Si Jahat Ngenca Erbahan
Kejahaten**



\\ Nipe sabah e pe adi ipesega-sega nagut nge", sada lirik lagu Karo sinuriken kerna pengejapen. Ia usur isega-sega, seh maka turah rawa dengen erbalas nangdangi kalak si mpesega-sega kegeluhenna. Tapi kata enda petembil ras kai si ilakoken Daud. Ia ngelakoken si bujur, ndalanken dahinna alu ertanggungjawab. Bas kesuksesen sinialokenna, turah ate cian kalak sideban termasuk Saul sini paksa si e Raja Bangsa Israel. Rawa, dengen cian ate Saul erbahanca Daud arus kiam dengen cebuni ngelakken rawa e. Bas sada paksa kenca mulih Saul erperang naluken bangsa Pilistin, ergia-giah ukurna alu maba tentarana ndarami dengen nangkap Daud. Seh ku sada gua, enggo latih me niakapna dengen tertunduh me ia. Gua ndai rembang ka ingan cebuni Daud ras teman-temanna. Paksa Saul tertunduh, iidah Daud ras teman-temanna, e maka iajuk teman-temanna me makeken kesempatan e guna munuh Saul. Ideheri Daud me Saul, tapi debet-debet pusuhna e maka la ibunuhna. Ikeretna sada bagin jubah Saul, sebab bas ukurna maka Saul e raja sienggo ipilih Dibata. Perbahanenna si lalar ndube labo jadi dalam Daud erbalas apai ka mbunuhsa. Kenca medak Saul bas tunduhna nari, keke me ia guna nerusken perdalanenna, i je me erlebuh Daud. Alu dem kehamaten isembahna Saul, janah iturikenna ukurna meciho. La ia erbalas entah makeken kesempatan si lit guna ngelakoken kejahatan sabap i bas dirina la lit sura-sura sibage. Kepeken kai silakoken Daud enda ulih persadanna ras Dibata bage pe ingetna kuan-kuan sinuria simekatep ituriken e me "kalak si jahat ngenca erbahan kejahatan". Senina Moria, i bas pusuh si meciho, bersih, benar dengen idemi Kesah si Badia teridah perbahanen pe mehuli, bersih, adil dengen la erbalas. E maka demilah pusuhna alu Kesah Si Badia maka kegeluhenta si teptep warina pe teridah buah Kesah si Badia e.

☞ *"Tunggahi pusuh alu si mehuli teptep wari"*



